



Broj: 01,02-02-1-2804/16
Sarajevo, 4.11.2016.



Parlamentarna skupština BiH
Kolegij Predstavničkog doma
Ustavnopravna komisija Predstavničkog doma

PRIMLJENO: 07.11.2016			
Organizaciona jedinica	Klasifikaciona oznaka	Redni broj	Broj priloga

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor daje

MIŠLJENJE

o usklađenosti Prijedloga zakona o izmjeni Zakona o lijekovima i medicinskim sredstvima s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama Bosne i Hercegovine

Aktom predsjedavajućeg Predstavničkog doma, broj: 01,02-02-1-2804/16, od 4.11.2016., Zakonodavno-pravnom sektoru dostavljen je Prijedlog zakona o izmjeni Zakona o lijekovima i medicinskim sredstvima (u daljnjem tekstu: Prijedlog zakona) radi davanja mišljenja o usklađenosti Prijedloga zakona s članom 105. Poslovnika Predstavničkog doma te Jedinstvenim pravilima za izradu pravnih propisa u institucijama BiH.

Prijedlog zakona podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma, s prijedlogom da se razmatra po hitnom zakonodavnom postupku.

I. Usklađenost s odredbama Poslovnika Predstavničkog doma Parlamentarne skupštine BiH

Prijedlog zakona je, u skladu s članom 105. stav (1) Poslovnika Predstavničkog doma, podnesen u pisanoj i elektronskoj formi, na jezicima i pismima u službenoj upotrebi u BiH.

Uz Prijedlog zakona dostavljeno je obrazloženje koje sadrži:

1. ustavni osnov
2. razloge za donošenje zakona
3. obrazloženje predloženih pravnih rješenja
4. usklađenost zakona s evropskim zakonodavstvom
5. finansijska sredstava za realizaciju zakona
6. konsultacije

te mišljenja: Ureda za zakonodavstvo, Ministarstva finansija i trezora BiH, Ministarstva pravde BiH, Ministarstva vanjske trgovine i ekonomskih odnosa BiH i Direkcije za evropske integracije.

Dakle, u obrazloženju *nisu navedeni principi* predloženog zakona, kako je to propisano članom 105. stav (3) tačka c) Poslovnika Predstavničkog doma.

Nadalje, uz Prijedlog zakona priložena je odredba člana koji se mijenja, ali *nije priložena* verzija prečišćenog teksta Zakona o lijekovima i medicinskim sredstvima, kako je to propisano članom 105. stav (5) Poslovnika Predstavničkog doma.

U skladu s navedenim, Prijedlog zakona *nije* u potpunosti usklađen s članom 105. Poslovnika Predstavničkog doma.

II. Usklađenost s Jedinostvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom i formom odražava pravila izrade pravnih propisa kako je i propisano Jedinostvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinostvena pravila).

Međutim, u članu 1. Prijedloga zakona, koji se odnosi na član 15. stav (10), na bosanskom i hrvatskom jeziku upotrijebljen je pridjev "konstituirajući", a u srpskom jeziku "konstitutivni", što nije u skladu s članom 38. stav (1) Jedinostvenih pravila, s obzirom na to da se u navedenom kontekstu ne radi o jezičkim ekvivalentima.

Također, prema članu 41. Jedinostvenih pravila koji se odnosi na dosljedno skraćivanje naziva ili izraza u tekstu zakona, u osnovnom tekstu Zakona o lijekovima i medicinskim sredstvima skraćeni su nazivi: Bosna i Hercegovina (BiH), Brčko Distrikt Bosne i Hercegovine (Brčko Distrikt) te Republika Srpska (RS), što nije urađeno u Prijedlogu zakona.

U skladu s navedenim, Prijedlog zakona *djelimično je usklađen* s Jedinostvenim pravilima.

Rukovoditeljica
Zakonodavno-pravnog sektora

Mirjana Kutanjac

Dostaviti:

- naslovu
- a/a